

**1250-1250- OFP - Acta Capitulum Generalium Londoniis Celebrati**

In nomine patris et filii et spiritus sancti. Amen.

Acta capituli generalis Londoniis celebrati

anno Domini · M<sup>o</sup> · CC<sup>o</sup> · L<sup>o</sup> ·

**Confirmamus** has. Ubi dicitur in constitutionibus. Mortuo priore provinciali vel amoto. prior illius loci. etc. addatur. Si autem vicarium eiusdem infra tempus vicarie sue. mori vel amoveri contigerit. prior illius domus. ubi capitulum provinciale antecedens celebra-tum fuerat. vices prioris provincialis in omnibus optineat. et sic deinceps donec etc. Et habet · iii · capitula.

Item hanc. In constitutionibus ubi dicitur. Si quis per contumaciam vel manifestam rebellionem. inobediens prelato suo. addatur. extiterit. vel cum eo intus vel foris contendere ausus fuerit. etc. Et habet · iii · capitula.

Approbamus has. Ubi dicitur in constitutione. Librum autem istum quem consuetudinarium appellamus. deleatur et dicatur sic. Librum autem istum diligenter conscripsimus. in quo. etc. Et habet · ii · capitula.

Item hanc. Ubi dicitur in constitutionibus. Et in omni oratione quando nomen beate virginis nominatur. addatur et dicatur sic. Quando nomen beate virgini et beati Dominici nominatur. et etiam quando nomen beate virginis nominatur in antiphona. Et habet · ii · capitula.

Item hanc. Ubi dicitur in constitutionibus. et sic faciant ad omnes horas. addatur. finita autem lectione in matutinis. nisi fiat officium de mortuis. ille qui legit inter pulpitem et gradus. quod est in medio chori; inclinacionem faciat. vel prosternat se pro tempore. Et habet · ii · capitula.

Item hanc. In capitulo de ieiuniis post illud verbum. omnium sanctorum et Andree apostoli. addatur et dicatur sic. Quadragesimali utimur cibo. Idem dicimus de · vi · feriis. nisi dies natalis domini ea die evenerit. nisi cum aliquo etc. Et habet · ii · capitula.

Item hanc. In capitulo de cibo. ubi dicitur. pulmenta nostra sint sine carnibus. usque. in nostris conventibus. addatur et dicatur. preterquam in infirmariis. Et habet · ii · capitula.

Item hanc. Ubi dicitur in constitutionibus. itinerantes bis refici possunt nisi in adventu domini et ieiuniis principalibus ab ecclesia institutis. addatur. et · vi · feriis. Et habet · ii · capitula.

Item hanc. Pelliceis silvestribus et coopertoriis quarumcumque pellium fratres nostri non utantur. deleatur hoc et dicatur sic. pelliceis silvestribus non utantur fratres nostri. nec utantur coopertoriis quarumcumque pellium. nisi in infirmaria. non tamen utantur ibidem coopertoriis pellium silvestrium. Et habet · ii · capitula.

Item hanc. In capitulo de rasura. in fine dicatur sic. In qualibet rasura communicent omnes fratres. poterunt autem omnes fratres interdum in aliqua die fe-rials communicare. si visum fuerit priori. quando melius poterunt interesse. Et habet · ii · capitula.

Item hanc. In capitulo de silencio. ubi dicitur. breviter et submisse. addatur. nisi de licencia episcoporum seu electorum. aut maiorum hiis seu etiam regum. cum contigerit nos cum eis comedere. Et habet · ii · capitula.

Item hanc. In capitulo de recipiendis. illud. nullus recipiatur in canonicum vel conversum. etc. usque ad illud. nullus recipiatur infra · xviii · annos. deleatur totum et dicatur sic. Nullus recipiatur in fratrem clericum<sup>1</sup> nisi a priore provinciali vel ab illo cui super hoc dederit licenciam specialem. vel a priore conventuali cum assensu totius vel maioris partis capituli. Conversum autem non recipiat prior provincialis nec aliquis de eius licencia. nisi de consensu conventus. ubi fuerit induendus. nec conventus aliquis recipiat conversum sine licencia prioris provincialis. Et habet · ii · capitula.

Item hanc. In capitulo de levi culpa. illud quod dicitur in fine. clamatis de supradictis etc. usque in finem capituli deleatur. et dicatur sic. vel proclamanti-bus se de supradictis. detur penitencia secundum quod prelato videbitur expedire. Et habet · ii · capitula.

Item hanc. In capitulo de graviore culpa. illud. eodem modo penitere debet. usque ad illud. Si quis tale quid etc. deleatur et dicatur sic. Si autem quod deus avertat quis in peccatum carnis lapsus fuerit. ipsum non solum supradicta pena; sed gravius puniendum censemus. Et habet · ii · capitula.

---

<sup>1</sup> Ea de re cf. MAMACHI, Annal. Ord. Praedicator. tom. 1. Romae m. dcc. lvi. pag. 462. 463. et librum quem tacito nomine scripsit FR. IACOB: Memoires sur la Canonicité de l'Institut de S. Dominique, ou examen de la Question, sçavoir: Si les FF. Prêcheurs ont été reçus dans l'Eglise en qualité de Chanoines-Réguliers, et s'ils doivent encore être regardez comme tels? Contre certains écrits ou factums, dans les quels cette qualité est contestée à ces Religieux. Beziens MDCCL. Qui liber in italicum idioma translatus est, notisque locupletatus, hoc praemisso titulo: Difesa del canonicato de' FF. Predicatori, ove si dà un saggio della Istituzione, Riforma, Propagazione, Spirito, Vestito, e Diritti degli antichi e moderni Canonici, e si presenta una giusta idea dell'Istituto Domenicano. Venezia 1758. Mamachii et Iacobi argumenta pluribus argumentis roborare facile est; quae remisi ad praefationem. Legas omnino DENIFLE Archiv etc. I, p. 5-12.

Item hanc. In capitulo de electione magistri. ubi dicitur. mortuo magistro vel a magisterio amoto. priores provinciales · xii · provinciarum etc. removeatur · xii · provinciarum. et dicatur sic. priores provinciales in omnibus etc. Et hec habet · ii · capitula.

Item hanc. In eodem capitulo. ubi dicitur. donec in parte altera. maior possit numerus inveniri. addatur et dicatur sic. quod si non omnes priores provinciales ad electionem magistri convenerint; illi quos ex ipsis venire contigerit. supradictam habeant potestatem. Et hec habet · ii · capitula.

Item hanc. In capitulo de studentibus. in fine dicatur sic. libri ordinis seu fratrum non vendantur. nisi precium eorum in alios libros seu scripta convertatur. Et hec habet · ii · capitula.

Item hanc. In fine constitutionum dicatur sic. garciones seu famuli seculares. in coquinis et infirmariis nostris non admittantur. Et hec habet · ii · capitula.

Item hanc. In capitulo de electione diffinitorum. in fine dicatur sic. fratres qui in uno anno electi sunt in diffinitores capituli provincialis. in sequenti anno non eligantur ad idem officium. Idem dicimus de diffinitoribus capituli generalis. Et hec habet · ii · capitula.

Item hanc. In capitulo de visitoribus. in fine dicatur sic. visitatores autem in anno visitacionis sue. si commode possunt. veniant ad capitulum provinciale vel generale. si in sua provincia celebretur. Et hec habet · ii · capitula.

Item hanc. In capitulo de capitulo provinciali. illud quod dicitur. priorem loci. ubi provinciale capitulum celebratur. deleatur et dicatur sic. aliquem loco eius substituentes. Et hec habet · ii · capitula.

Item hanc. In eodem capitulo. ubi dicitur. cum singulis sociis a capitulo suo electis. deleatur. a capitulo suo. et dicatur. a pluribus de capitulo suo. eciam citra medietatem eligencium electis. Et hec habet · ii · capitula.

Item hanc. In capitulo de electione diffinitorum. ubi dicitur. aliquis de magis ydoneis eligatur. qui sit generalis capituli diffinitor. addatur. secundum formam supradictam. in electione diffinitorum capituli provincialis. Et hec habet · ii · capitula.

Item hanc. In capitulo de predicatoribus. illud quod dicitur in principio. fratres qui sunt ydonei. etc. usque ad illud verbum. statuimus etc. totum deleatur. et dicatur sic. Provideant diligentissime priores. ne committant predicacionis officium. nisi fratribus ad hoc ydoneis et moribus et sciencia approbatis. ne ex insufficiencia predicancium ordo veniat in contemptum. et vergat in periculum animarum. Et hec habet · ii · capitula.

Item hanc. In eodem capitulo. ubi subiungitur. statuimus autem ut nullus fiat predicator generalis. antequam theologiam audierit per tres annos. addatur. et nisi sit maturus et discretus ad negocia ordinis in capitulis pertractanda. Et hec habet · ii · capitula.

Item hanc. Ubi dicitur de conversis. psalteria non habeant. addatur. nec eciam aliquos alios libellos. Et hec habet · ii · capitula.

Item hanc. In capitulo de electione prioris conventualis. post illud. nisi prior provincialis aliter ordinaverit. addatur. et dicatur sic. si vero mortuo priore vel amoto. domus suppriori caruerit. tres fratres illius conventus qui primitus habitum nostri ordinis susceperunt. aliquem fratrem de illo conventu eligant; qui vices supradictas prioris optineat. quousque domus illa priorem presentem habuerit. vel suppriorem. vel prior provincialis aliter ordinaverit. Et hec habet · ii · capitula.

**Inchoamus** has constitutiones. In capitulo de silencio. ubi dicitur. fratres in capitulo de silencio se accusent. et prioris arbitrio puniantur. addatur. si quis tamen infra duo capitula · vi · vicibus sine licencia locutus fuerit. abstineat in pane et aqua. in terra sedendo. et hoc in prandio et non in cena.

Item hanc. In fine capituli de electione prioris provincialis. addatur et dicatur sic. prior provincialis vel conventualis absolutus. infra annum a tempore absolucionis. nusquam ad idem officium assumatur.

Item hanc. In capitulo de recipiendis. ab illo loco ubi dicitur. probacionis vero tempus · vi · mensium etc. usque ad illum locum. nullus recipiatur nisi requisitus an. etc. deleatur totum et dicatur sic. probacionis vero tempus unius anni statuimus. ut ipse recipiendus austeritatem ordinis. et fratres mores experiantur ipsius.

Item hanc. In capitulo de capitulo generali. ubi dicitur. priori provinciali eunti ad capitulum generale. detur socius a diffinitoribus provincialis capituli. addatur et dicatur sic. quod si priorem provincialem mori vel impediti contigerit. quod venire non possit ad capitulum generale. socius sibi datus admittatur ad diffinicionem. ei si in via defunctus fuerit. fiat pro eo sicut pro socio diffinitoris capituli generalis.

Item hanc. In capitulo de domibus concedendis. in fine dicatur sic. Statuatur autem semper aliquis frater clericus vel conversus maturus qui sit portarius. et qui diligenter que ad officium portarii pertinent; exequatur. et ubi unus frater non sufficit; plures fratres ponantur.

Item hanc. In capitulo De itinerantibus. ubi dicitur. non accipient nec portabunt. addatur. si quis autem aliquid receperit de predictis. teneatur prelato suo. cum redierit presentare.

Item. In fine capituli de officio ecclesie. addatur et dicatur sic. quod osculum pacis in missis nostris privatis non detur. nec in conventualibus nisi ministro. qui fratribus non offerat nisi in diebus in quibus communicare debemus. secularibus autem tam in conventualibus quam in privatis; poterit exhiberi.

Item hanc. Ubi dicitur in constitutionibus. depositarii autem esse possunt. addatur. in quolibet conventu constituantur tres ydonei fratres per priorem. qui deposita diligenter custodiant sub tribus clavibus. a predictis tribus servatis. quas nunquam unus teneat. et cum testimonio fratrum recipiant et reddant. Item etiam depositarii sigillum conventus custodiant in deposito. et nemini tradant nisi cum consensu conventus vel maioris partis.

**Admonemus** quod tales mittantur ad loca pro generali studio deputata; qui sint habiles ad studendum.

Item. Quod seculares persone in refectorio et in domo hospitum. de facili non admittantur. nec in dedicacionibus et festis ecclesiarum; ut beati Dominici. ad prandium invitentur.

Item. Admonemus ne fratres domus. in qua capitulum generale vel provinciale celebrandum est. extra terminos sue predicacionis occasione dicti capituli. questum faciant. duas pitancias non excedant. qui venire non tenentur. non veniant. personas seculares non invitent ad mensam. et ubi usus vini communis non est; illud non procurent nec emant.

Item. Quod in nostris ecclesiis sepulture non fiant.

Item. Quod fratres nostri non bibant in villis ubi conventum habemus. nisi in locis in quibus licet eis comedere secundum constitutionem.

Item. Ne priores permittant. fratres monasteria monialium frequentare. nec earum confessiones nisi in manifesto audire.

Item. Prohibemus. ne fratres nostri cantent nisi in ea voce. in qua cantus inchoatus est. non in octava.

Item. Admonemus quod tam priores quam alii fratres. solliciti sint constructiones. dedicaciones ecclesiarum. tam apud se quam apud alios; in honorem beati Dominici procurare.

Item. Quod admoniciones tam generalium quam provincialium capitulorum diligencius observentur. et si minus observate fuerint; per visitatores severius corrigantur.

Item. Quod. te deum laudamus. non cantetur in electione prioris provincialis. Item. Quod conversi recipiantur in capitulo clericorum. et ibidem. veni creator. legendo dicatur.

Item. Cum multorum fratrum de diversis provinciis super discordia multiplici divini officii. per · iiiior · fratres ordinati. querelas recepimus tempore capituli generalis. visum est magistro et diffinitoribus. ut ad sedandas querelas. predicti fratres in Methim veniant in festo omnium sanctorum. ad correctionem dicti officii faciendam. et in unum volumen redigendam. qua propter mandamus et in remissionem peccatorum iniungimus. quatinus ad predicta perficienda dicti fratres statuto tempore ad locum veniant memoratum. interim autem a rescribendis libris vel corrigendis secundum predictam correctionem eorumdem; abstineant universi.

### Suffragia.

Pro domino papa et statu universali ecclesie; quilibet sacerdos · iii · missas. clericus psalterium. conversus · d · pater noster.

Pro fratribus minoribus etc.

Pro diffinitore Provincie fratre Iuliano. priore Burdegalensi in via defuncto. quilibet sacerdos · iii · missas etc.<sup>2</sup>

Item. Concedimus fratri Clementi ordinis nostri. episcopo Scocie post mortem · i · missam per ordinem a quolibet fratre sacerdote. et in provincia Anglie fiat pro eo quod pro alio fratre<sup>3</sup>.

Capitulum generale sequens in Methis in provincia Francie.

**Absolvimus** priores de novo Castro. etc. Scasensem.<sup>4</sup> quia tempore famis edificavit domum et magnis debitis obligavit. et fratres penuria victus afflixit.

Iniunctiones penitenciarum. Item. De parte Lun-dons (!) in Dacia. et damus ei · v · psalteria · v · disciplinas · v · missas. quia cum habuisset edificia competencia pro studio. illa destruxit et nova inchoavit. et studium impedivit. et non reeligatur de cetero in priorem. impolimus (!) in eodem suppriorum pariter. et volumus quod nullus istorum absolutorum ad officium prioratus vel supprioratus usque ad annum ree-ligantur (!).

Absolvimus priores provinciales Ungarie. Dacie. et Terre sancte. Omnes priores Romane provincie de regno domini Frederici expulsos absolvimus. et mandamus quod fratres inde expulsi in proximo provinciali capitulo certis conventibus assignentur. Priori provinciali Anglie damus · v · dies in pane et aqua · v · psalteria · v · missas · v · disciplinas. et de edificiis minus se intromittat.

<sup>2</sup> De morte fr. Iuliani cf. MOPH 1 p. 266 c. III, § 11.

<sup>3</sup> De fr. Clemente ep. Dumblanensi cf. SSOP 1 p. 111, 149; EUBEL Hierarchia p. 238.

<sup>4</sup> Scasensem: legendum esse arbitror Zossensem, quod idem sonat ac Rossensem (Ross in Scotia) cf. SSOP 1, XI.

Priori Meonensi · iii · dies in pane et aqua · iii · missas · iii · disciplinas. et claustrum secundum quod inceptum est. non compleatur.

Priori Londonensi · ii · dies in pane et aqua · ii · psalteria · ii · missas · ii · disciplinas.

Fratri Roberto Archio damus · iii · dies in pane et aqua · iii · missas · iii · disciplinas. quia visitavit instante capitulo generali in presencia diffinitorum et vestes non correxerunt. et hoc anno ad officium visitacionis non eligatur.

Fratres de novo Castro qui in equis venerunt. faciant penitentiam in constitutionibus expressam.

Prioribus qui contra consuetudinem communem et post admonicionem generalis capituli Colonie celebrati. pulmenta cocta cum carnibus dari fratribus in domo hospitem permiserunt. iniungimus · ii · dies in pane et aqua · ii · missas · ii · disciplinas · ii · psalteria.

Actis additae sunt litterae magistri ordinis; cf. app. n. II.